



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. VII. Solvitur difficile argumentum

[urn:nbn:de:hbz:466:1-77355](#)

potius est peccato habituali Adami, consistenti A in privatione, quam peccato ejus actuali, importanti de formalí aliquid positivum.

136. Instabis: Peccatum habituali Adami erat ejusdem speciei cum actuali, alias transacto acto non manueret idem peccatum secundum speciem: Ergo si peccatum actuale Adami consistebat in positivo, idem dicendum erit de habituali; subindeque de peccato originali quod in nos transfunditur, cum illud, ut jam dicebamus, peccato habituali Adami assimiletur.

137. Respondeo distinguendo Antecedens: erat ejusdem speciei in genere moris, concedo Antecedens: in esse physico, nego Antecedens, & Consequentiam. Explicatur solutio exemplo peccati commissionis & omissionis. Licet enim peccata commissionis & omissionis ex eodem motivo procedentia, sint ejusdem speciei in esse moris, ut supra ostendimus; quia tamen physicè aut metaphysicè loquendo plusquam specie inter se differunt, hujusmodi convenientia specifica in esse inoris, non impedit quod unum sit positivum, & aliud privativum. Ita similiter, quamvis peccatum originale, & peccatum actuale Adæ, & universaliter peccatum habituali & actuale ex quo relinquitur, sint ejusdem speciei in esse morali, & prudenti estimatione hominum, tum quia habituali, cum sit terminus actualis, reducitur ad illud; tum etiam quia sunt contra eandem legem, & ex eodem motivo procedunt; hoc tamen non obstat quominus in esse physico species & plusquam specie inter se differant, & unum in positivo, aliud in privativo consistat.

Disp. 3. art. 6.

S. V I I.
Solvitur difficile argumentum.

138. **O** BITERE ultimè: Privatio justitiae originalis est pœna peccati originalis: Ergo in tali privatione nequit essentia culpa originalis consistere. Antecedens expressè docetur à S. Thoma infra quest. 85. art. 5. ubi ait: *Subtractio originalis justitiae habet rationem pœnae, sicut etiam subtractio gratia*. Item qu. 5. de malo art. 1. sic concludit: *Conveniens pœna peccati originalis est subtractio gratia, & per consequens visionis divinae, ad quam homo per gratiam ordinatur*. Ratio etiam id suadet: nihil enim est magis commune & decentatum, quam quod justitia originalis Adamo & ejus posteris ablata sit in pœnam peccati. Consequientia vero probatur: Pœna supponit in subiecto culpam, cum idcirco pœna inducatur, quia subiectum est illa dignum ratione culpa; item pœna est à Deo, utpote simpliciter bona, & secundum ordinem divinæ justitiae & sapientiae, non verò culpa, cum sit mala mortaliter. Ergo si privatio justitiae originalis sit pœna peccati originalis, non potest esse ipsa culpa originalis formaliter, seu ratio formalis constitutiva illius.

139. Hoc argumentum valde torquet & exercet Theologorum ingenia, unde ut ab illo se expediant, variis solutiones & dicendi modos excogitarunt. In primis aliqui negant absolutè Antecedens, & dicunt privationem justitiae originalis esse duntaxat effectum peccati originalis, non verò pœnam illius.

Sed hac solutio displicet: Primo quia manifestè repugnat doctrinæ D. Thomæ locis citatis. Secundo, quia supposito quod Deus statuerit conferre hominibus justitiam originalem, illo-

que ad ordinem supernaturalem per gratiam evenerit, non potest illis justitiam vel gratiam auferre, nisi in pœnam alicujus peccati; sicut supposito quod alicui gratiam contulerit, non potest suspendere concursum ipsam conservantem, nisi propter indignitatem subiecti ratione culpæ: Ergo quod Deus justitiam originalem vel gratiam non conseruat, pœna est alicujus peccati. Tertiù, Non esse gratia vel justitia originalis in parvulis, est illis disconveniens & malum, & aliquid est à Deo: Ergo obtinet rationem pœnae; omne namque malum quod est à Deo, cum prout sic culpa esse non possit, necessariò habet rationem pœnae. Denique, dato, & non concessò, quod privatio gratia aut justitia originalis sit effectus, & non pœna originalis peccati, non solvitur difficultas argumenti propositi; cum effectus culpæ non minus eam presupponat, quam pœna illi debita. Unde

Respondent alij, privationem gratia aut justitia originalis in parvulis esse pœnam, non quidem culpæ originalis ipsius intrinsecè, cum sit è posterior, sed peccati originalis originantis, nempe peccati actualis, quo Adamus in persona omnium deliquit; unde tale peccatum presupponat, & non constituit. Ita Vazquez hic disp. 132. c. 10.

Sed hæc etiam solutio communiter rejecitur, quia negari non debet esse intrinsecè in pueris peccato originali infectis pœnae condignitatem; non enim propter solum peccatum actuale, quod Adamus commisit, sed etiam propter originale, quod ad eos traduxit, excluduntur à regno Dei, & privantur gratia & originali justitiae; quamvis hujusmodi pœnae utriusque peccato diversimodè correspondant, peccato scilicet actuali Adæ tanquam demerito, peccato vero originale sicut termino ejusdem peccati actualis, in quo ipsius demeritus virtualiter permanet.

His ergo solutionibus rejecitis, dicendum est, privationem justitiae originalis, quantum ad primarium ejus effectum, qui est subiecte mente Deo ut ultimo fini, non esse pœnam peccati originalis, sed potius rationem formalem constitutivam illius; quantum vero ad alios effectus secundarios, qui sunt subjectio corporis ad animalia, & appetitus inferioris ad superiorem, esse illius pœnam; ex privatione enim horum effectuum justitiae originalis, oriuntur in homine concupiscentia, fomes peccati, necessitas moriendi, morbi, & aliae hujus vite pœnaltates, qua sunt pœna peccati originalis, & effectus illius. Vel ut dicunt Salmantenses: privatio gratia seu justitia originalis potest considerari duplíciter; primum in quantum est mala Deo, & tollit subiectum ipsi debitam; secundum ut est mala homini, & quatenus tollit perfectionem ipsi promissam & debitam, illumque in seipso perficiens: quemadmodum ipsa gratia sanctificans, qua tali privationi opponitur, potest considerari vel ut est bonum hominis, & quedam forma dans ejus animæ maximam perfectionem, scilicet participationem divinæ naturæ, quæ redditur in seipso bona, sancta, perfecta, & veluti deformis; vel ut est bonum Dei, & quatenus animam Deo ut sponso tradit, & ut ultimo fini subiectit. Si privatio gratia aut justitia originalis primo modo spectetur, habet rationem culpæ, cum sit aversio moralis & voluntaria à Deo ut fine ultimo: si secundo modo, habet rationem pœnae, cum sit malitia & disconveniens homini, & à Deo ordinata contra deordinationem & deformitatem culpæ.

Nec obstat quod illæ formalitates non realiter, A sed virtualiter tantum inter se distinguantur: quia ut ait D. Thomas qu. i. de malo art. 4. ad r. *Idem secundum diversa potest esse culpa & pena, non tamen secundum idem.*

142. Dices primò: Culpa non est à Deo; Sed privatio justitiae originalis, ut subjiciens mentem Deo ut ultimo fini, ab ipso causatur: Ergo non habet rationem culpæ. Minor probatur: Iustitia originalis, ut subjiciens mentem hominis Deo ut ultimo fini, est habitus pendens à Deo in fieri & conservari: Ergo carentia illius est à Deo subtrahente auxilium, quo producatur vel conservetur.

143. Respondeo quod quamvis carentia justitiae originalis ut subjiciens mentem Deo, physice B sumpta, seu ut proveniens ex subtractione auxilij divini, sit à Deo, quia sub hac ratione est tantum pœna, cum propter culpam Deus subtrahat tale auxilium; carentia tamen iustitiae originalis ut subjiciens mentem Deo, moraliter spectata, & ut volita voluntate capitis, sub qua tantum ratione potest dici culpa, non est à Deo, quia ut voluntaria sequitur ad actum voluntatis Adami, non prout ille actus erat à Deo efficiente, sed in quantum erat à voluntate Ada deficiente.

144. Si dicas secundo: pœnam debere presupponere culpam: respondetur quod etiam privatio physica justitiae originalis, qua est pœna peccati originalis, presupponit eandem privationem ut voluntariam, sub qua formaliter habet rationem culpæ: priùs enim est nostro modo intelligendi privationem illam voluntariam esse voluntate nostri capitis, quam illam infligì à Deo; idè namque Deus nobis nascentibus subtrahit auxilium justitiae originalis productivum, quia voluntate primi parentis voluimus justitiam originali privari.

145. Ex his inferes, ad rectè concipiendum totum culpe originalis processum, quatuor esse distinguenda signa seu instantia rationis. In primis enim concipere debemus puerum sub debito habendi gratiam ex pæsto in paradiso inito inter Deum & Adamum. Deinde intelligere debemus, peccatum Adami respicere hunc puerum tanquam membrum ipsius Adami, & cauare in ipso aversionem voluntariam à Deo ut ultimo fine, seu voluntariam privationem subjectionis debita ipsi Deo, in qua originalis culpa formaliter consistit. Tertiò intelligendus est idem puer, ratione utriusque peccati, tum Adami, tum proprij, indignus ut Deus ipsi gratiam promissam conferat, subindeque dignus ut denegetur ei ipsa gratia, quatenus est bona eidem pueru, ordinaturae ad illum perficiendum. Denique intelligere debemus, Deum, utroque peccato ad punitionem pueri provocatum, denegare suum concursum collativum gratiæ, & has denegatione cauare ipsius gratiæ privationem, non prout hac privatio tollit subjectionem debitam Deo, sed ut tollit perfectionem promissam & debitam pueru, illumque in seipso perficiendum, quo pæsto talis privatio habet rationem pœnae.

146. Dices: In illo secundo instanti, seu signo rationis, in quo intelligimus peccatum aequalē Adami cauare in pueri privationem subjectionis ad Deum, etiam intelligimus Deum ut negantem concursum collativum gratiæ, atque adeo ut punientem puerum per tales negationem, alias deberemus tunc concipere Deum gratiam infundentem: Ergo tam citò concipimus pue-

rum affici privatione gratiæ ut pœnā, quam affici privatione illius ut culpā.

Respondeo in tali signo nihil concipi de Deo, 147. sed ab eo praescindi; unde neque concipimus illum ut negantem concursum gratiæ, neque ut illam influentem, sed solum concipimus id quod ex parte pueri se tenet, & quod ex peccato Adami accepit; quod verò propter hoc Deus deneget gratiam, & hac denegatione seu privatione puerum puniat, pertinet ad signa sequentia.

ARTICULUS VI.

In quo subjectetur originale peccatum?

S. I.

Quibusdam premisis difficultas resolvitur.

NO TANDVM primò, quod aliquid potest 148. esse in alio tripliciter: vel sicut in causa principali, ut filius in patre: vel sicut in causa instrumentalis, ut filius in semine patris: vel sicut forma in subiecto, ut albedo in pariete, aut cœctitas in oculo, eo modo quo privatio dicitur habere subiectum.

Notandum secundò, peccatum originale potest 149. se considerari dupliciter, nempe formaliter & quoad essentiam culpæ, seu quantum ad malitiam primariam & constitutivam; & effectivè quantum ad proprietates, & effectus ex ipso derivatos, qui in ipso de materiali & secundariò importantur. His præmissis.

Dico primò, peccatum originale esse in Adamo sicut in causa principali, & in semine sicut in causa instrumentalis. Ita D. Thomas h̄c qu. 83. art. 1. in corp. ubi sic ait: *Peccatum originale omnium hominum fuit quidem in ipso Adam sicut in prima causa principali, secundum illud Apostoli ad Roman. 5. In quo omnes peccaverunt. In semine autem corporali est peccatum originale sicut in causa instrumentali, ēd quid per virtutem activam seminis traducitur peccatum originale in prolem simul cum natura humana. Ex quibus sufficienter probata manet nostra conclusio. Unde*

Vico secundò, peccatum originale priùs & immediatus recipi in essentia animæ, quam in ejus potentias; imò si quoad essentiam & rationem formalem culpæ consideretur, recipi in sola essentia animæ; in potentias verò solum ratione proprietatum, vel effectuum ex ipso procedentium inveniti.

Prima pars est D. Thomæ qu. 4. de malo art. 4. & h̄c qu. 83. art. 2. ubi eam dupli ratione demonstrat. Prima quam habet in corpore, sic potest proponi. Peccatum originale per originem seu generationem ex Adamo traducitur iu posteros: Sed origo seu generatio priùs attingit animam ut terminum, quam potentias illius: Ergo priùs hoc peccatum inhæret animæ, quam ejus potentias.

Hæc ratio D. Thomæ displiceret Vazquezio: 152. Tum quia anima rationalis, cum non educatur ē sinu materiæ, sed à Deo immediate procedat, non est terminus generationis, sed creationis. Tum etiam, quia si peccatum originale, ēd quid per generationem traducatur, deberet esse priùs in eo quod immediatus generationem terminat, sequeretur illud immediate recipi in toto compōsito: hoc enim, & non anima, immediate per generationem attingitur.